



三十家詩鈔卷五目錄

何仲言五古一百七十七首

銅雀妓

擬輕薄篇

門有車馬客

昭君怨

九日侍宴樂遊苑

登石頭城

望廡前水竹答崔錄事

暮秋答朱記室

三十家詩鈔

卷五目錄

酬范記室雲

落日前墟望贈范廣州雲

日夕望江山贈魚司馬

答邱長史

道中贈桓司馬季珪

夕望江橋示蕭諮議楊建康江主簿

寄江州褚諮議

入西塞示南府同僚

下直出谿邊望答虞丹徒敬

贈諸遊舊



贈族人秣陵兄弟

秋夕仰贈從兄寘南

仰贈從兄興甯寘南

贈江長史別

送韋司馬別

南還道中送贈劉諮議別

與崔錄事別兼敘攜手

別沈助教

與沈助教同宿湓口夜別

與蘇九德別

三十家詩鈔

卷五目錄

贈韋記室黯別

初發新林

渡連圻二首

下方山

入東經諸暨縣下浙江作

還渡五湖

春夕早泊和劉諮議落日望水

和劉諮議守風

宿南洲浦

學古贈邱永嘉征還

和蕭詒議岑離閨怨

嘲劉詒議

詠照鏡

擬青青河畔草轉韻體爲人作其人識節工歌

學古三首

聊作百一體

早朝車中聽望

臨行公車

秋夕歎白髮

夜夢故人

二十家詩鈔

卷五目錄

三

從主移西州寓直齋內霖雨不晴懷郡中遊聚

劉博士江丞朱從事同顧不值作詩云爾

春暮喜晴酬袁戶曹苦雨

苦熱

七夕

揚州法曹梅花盛開

行經孫氏陵

塘邊見古冢

哭吳興柳惲

登禪岡寺望和虞記室

答高博士
贈王左丞

敬酬王明府

西州直示同員

野夕答孫郎擢

石頭答庾郎丹

日夕出富陽浦口和朗公

臨行與故遊夜別

與胡興安夜別

車中見新林分別甚盛

三十家詩鈔

卷五目錄

曉發

慈姥磯

見征人分別

同虞記室登樓望遠歸

與虞記室諸人詠扇

看伏郎新婚

詠娼婦

詠舞

望新月示同羈

詠春雪寄族人治書思澄

和司馬博士詠雪
詠白鷗兼嘲別者
行經范僕射故宅

王尙書瞻祖日

送褚都曹聯句

送司馬 入五城

邊城思

爲人妾思二首

爲人妾怨

閨怨二首

三十家詩鈔

卷五目錄

南怨

苑中見美人

詠春風

離夜聽琴

相送

答江革聯句不成

又答江革

擬古三首聯句

往晉陵聯句

范廣州宅聯句

相送聯句三首

至大雷聯句

賦詠聯句

臨別聯句

增新曲相對聯句

照水聯句

折花聯句

搖扇聯句

正釵聯句

吳叔庠五古一百三十四首

三十家詩鈔

卷五目錄

戰城南三首

雉子班

入關

梅花落

城上烏

從軍行

胡無人行

雉朝飛操

渡易水

結客少年場

妾安所居

與答六首

送歸曲

與景望西歸賦

夾樹

與景望

城上麻

擬古四首

采蓮曲

三婦豔詩

大垂手

小垂手

有所思

三十家詩鈔

卷五 目錄

雍臺

楚妃曲

白浮鳩

陽春歌

別鶴

淶水曲

綠竹

王侍中夜集

登鍾山燕集望西靜壇

與柳惲相贈答六首

答柳惲

贈柳真陽

贈任黃門二首

酬蕭新浦王洗馬二首

答蕭新浦

酬周參軍

贈杜容城

贈朱從事

贈姚郎

贈王桂陽別三首

三十家詩鈔

卷五目錄

酬別江主簿屯騎

酬別

贈別新林

發湘州贈親故別三首

同柳吳興烏亭集送柳舍人

同柳吳興何山集送劉餘杭

送柳吳興竹亭集

初至壽春作

登壽陽八公山

壽陽還與親故別

邊城將四首

秋念

春怨

采藥大布山

贈周散騎興嗣二首

贈周興嗣四首

入蘭臺贈王治書僧孺

江上酬鮑幾

贈柳祕書

詣周丞不值因贈此詩

三十家詩鈔

卷五目錄

遙贈周丞

周丞未還重贈

贈王桂陽

酬郭臨丞

憶費昶

酬聞人侍郎別三首

贈鮑春陵別

別王謙

奉使廬陵

迎柳吳興道中

至湘州望南嶽

登二妃廟

詠懷二首

古意七首

閨怨二首

去妾贈前夫

詠少年

詠雪

雪

春詠

三十家詩鈔

卷五目錄

共賦韻詠庭中桐

詠柳

主人池前鶴

寶劍

詠燈

別夏侯故章

以服散鎗贈殷鈞

梅花

征客

雜句四首

山中雜詩三首

詠雲二首

詠慈姥磯石上松

送呂外兵

傷友

庾子慎五古八十八首

長安有狹斜行

賦得有所思

有所思

洛陽道

長安道

愛妾換馬

隴西行

未央才人歌

侍宴應令

侍宴宣猷堂應令

侍宴猷堂宴湘東王應令

侍宴餞湘州刺史張續

侍宴餞張孝總應令

三日侍蘭亭曲水宴

九日侍宴樂游苑應令
從皇太子出玄圃應令

奉和泛舟漢水往萬山應教

山池應令

奉使北徐州參丞御

和衛尉新渝侯巡城口號

遊甌山夏禹廟

蔬圃堂

尋周處士宏讓

賦得嵇叔夜

三十

家詩鈔

卷五目錄

和太子重雲殿受戒

詠同泰寺浮圖

賽漢高廟

亂後經夏禹廟

亂後行經吳郵亭

經陳思王墓

過建章故臺

和劉明府觀湘東王書

和竹齋

從駕喜雨

奉和春夜應令

奉和武帝苦旱

奉和太子納涼梧下應令

芝草

詠美人

送別於建興苑相逢

侍宴

侍宴餞湘東王應令

餞張孝總應令

侍宴餞東陽太守范子雲

二十家詩鈔

卷五日錄

三

和晉安主簿晚逐涼北樓回望應教

贈周處士

新林送劉之遴

奉使江州舟中七夕

南苑看人還

詠美人看畫應令

奉和藥名詩

看放市

和望月

和徐主簿望月

詠風

詠花雪

七夕

歲盡應令

賦得山

同蕭左丞詠摘梅花

和晉安王詠燕

詠胡牀應教

暮遊山水應令賦得磧字

奉和湘東王應令二首

三十家詩鈔

卷五 目錄

詠檐燕

奉和便省餘秋

被使從渡江

登城北望

道館

賦得轉歌扇

詠舞

詠舞曲應令

詠主人少姬應教

詠長信宮中草

石崇金谷妓

遠看放火

舟中寒望

石橋

詠桂

賦得池萍

新苔

被執作詩一首

曲水聯句

八關齋夜賦四城門更作四首

二十家詩鈔

卷五 目錄

五

三十家詩鈔卷五目錄

善化黃維申校

三十家詩鈔卷五

東湖王定安增輯

何仲言五古一百十七首凡樂府詩集錄者以識之

△銅雀妓鄴都故事魏武帝遺命諸子曰吾死之後葬於鄴著銅雀臺西岡無藏金珠餘香可分諸夫人妾與伎人皆屬每月朝十五輒向帳前下伎汝等時登臺最高上陵墓田按銅雀臺在鄴城建安十五年築其臺最高上有屋一百二十間鑄大銅雀置於樓巔舒翼奮尾勢若飛動因名爲銅雀臺樂府解題曰後人悲其意而爲之詠也

秋風木葉落蕭瑟管絃清望陵歌對酒向帳舞空城寂寂檐作一

簾宇曠飄飄帷幔輕曲終相顧起日暮松柏聲

△擬輕薄篇樂府解題曰輕薄篇言乘肥馬衣輕裘馳逐經過爲樂與少年行同意如何遜之城東美少年

三十家詩鈔卷五

張正見之洛陽美年少是也

城東美少年重身輕萬億柘彈隋珠丸白馬黃金飾一作勒長安

九達上青槐蔭道植轂擊晨已喧肩排暝不息走狗通西望牽

牛向南直相期百戲傍去來三市側象牀香繡被玉盤傳綺食

倡女一作大姊掩扇歌小婦一作妹開簾織相看獨隱笑見人還斂色

黃鵠悲故羣山枝詠新識烏飛過客盡雀聚行龍匿酌羽方厭

厭此時懼未極

△門有車馬客郭集作何安非○樂府解題曰門有車馬客行皆言問訊其客或得故舊鄉里或駕自京師備敘市朝遷謝親友彫喪之意也

仲言此詩則但言久客思歸而已

門有車馬客言是故鄉來故鄉有書信縱橫印檢開開書看未

極行客屢相識借問故鄉人潺湲淚不息上言離別久下道望
應歸寸心將夜鵠相逐向南飛

昭君怨

郭集作何妥非

昔聞白鶴弄已自軫離情今來昭君曲還悲秋草生

樂府作并

九日侍宴樂游苑

爲西封侯作

皇德無餘讓重規襲帝勛垂衣化比屋瞻顧慎爲君翺飛悅有
道卉木荷平分宸襟動時豫歲序屬涼氛城霞旦晃朗槐霧曉
氤氳鸞輿和八襲鳳駕啟千羣羽觴懽湛露俯舞奏承雲禁林
終宴晚華池物色曛疏樹翻高葉寒流聚細紋晴軒連瑞氣同
飛一作惹御香芬日斜迢遞宇風起嗟峨雲運偶參侯服恩洽厠
三十家詩鈔 卷五 梁 何遜

朝聞於焉藉多幸歲暮仰遊汾

登石頭城

關城乃形勢城險差非一馬嶺逐紆回犬牙傍隆宰百雉極襟
帶億庾兼量出至理歸無爲善守竟何恤眺聽窮耳目遠近備
幽悉擾擾見行人暉暉視落日連檣入迴浦飛蓋交長術天暮
遠山青潮去遙沙出薄宦宥師表屬辭慙愈疾願乘轂轅牛還
隱蒙籠室

望解前水竹答崔錄事

拾遺作顧則心詩非

蕭蕭叢竹映澹澹平湖淨葉倒漣漪文水漾檀欒影相思不會
面相望空延頸遠天去浮雲長墟斜落景幽痾與歲積賞心隨

事屏鄉念一遭迴白髮生俄傾

暮秋答朱記室

游揚日色淺騷屑風音勁寒潭見底清風色極天淨寸陰坐銷
鑠千里長遼迴桃李爾繁華松柏余本性故心不存此高文徒
可詠

酬范記室雲

林密戶稍陰草滋堦欲暗風光蕊上輕日色花中亂相思不獨
權伫立空爲歎清談莫共理繁文徒可玩高唱子自輕繼音予
可憚

落日前墟望贈范廣州雲

三十家詩鈔

卷五

梁 何遜

三

緣溝綠草蔓扶椶雜華舒輕煙澹柳色重霞映日餘遙遙長路
遠一作寂寂行人疏我心懷碩德思欲命輕車高門盛遊侶誰
肯進畋漁

日夕望江山贈魚司馬

溢城帶溢水溢水縈如帶日夕望高城耿耿青雲外城中多宴
賞絲竹常繁會管聲已流悅弦聲復淒切歌黛慘如愁舞腰凝
欲絕仲秋黃葉下長風正騷屑早鴈出雲歸故燕辭辭別畫悲
在異縣夜夢還洛汭洛汭何悠悠起望西南樓一作登的的帆
向浦團團月映一作洲誰能一羽化輕舉逐飛浮

答邱長史

宿昔敦遠遊名分乃異路千里泝波潮一朝披雲霧從容捨密
勿繾綣論襟趣披文極詆訶析理窮章句明鐘信有待巨海誰
能喻奔景驟西傾還途忽東驚黃花發岸草赤葉翻高樹漁舟
乍回歸沙禽時獨赴宴年時未幾離歌倏成賦伊我念幽關夫
君思贊務短翮方息飛長轡日先驅曝鰓走逸翻康時務
握手異沈浮佳期安可屢

道中贈桓司馬季珪

晨纜雖同解晚洲阻共入猶如征鳥飛差池不可及本願申羈
旅何言異翔集君渡北江時詎今南浦泣

夕望江橋示蕭諮議楊建康江主簿

三十家詩鈔

卷五

梁 何遜

四

夕鳥已西渡殘霞亦半消風聲動密竹水影漾長橋旅人多憂
思塞江復寂寥爾情深鞏洛予念返漁樵何因適歸願分路一
揚鑣

寄江州褚諮議

自與君別離四序紛迴薄分手清江上念別猶如昨追憶邊城
遊奚尋平生樂俱登寵從嶺共坐透迤閣清吹或忘歸繁文時
閒作連鑣戲淺草遊臆遵長薄五載同衣裘一朝異睽索夫君
頗畱滯驂駢未沃若伊家從入關終是填溝壑早秋正悽愴餘
暉晚銷鑠林葉下仍飛水花披未落如何隔千里無由舉三爵
因君奏采蓮爲余吟別鶴

入西塞示南府同僚

露清曉風冷天曙江晃

一作光

爽薄雲巖際出初月波中上黯黯

連嶂陰騷騷急沫響迴棹急礙浪羣飛爭戲廣伊余本羈客重
睽復心賞望鄉雖一路懷歸成二想在昔愛名山自知權獨往
情游乃落魄得性隨怡養年事以蹉跎生平任浩蕩方還讓夷
路誰知羨魚網

下直出谿邊望答虞丹徒敬

夫君美章句席丈珍梁楚伊余忝設官含毫亦禁阻直廬去咫
尺心期得宴語休沐乃幽棲別離未幾許伫立日將暮相思忽
無緒谿北映初星橋南望行炬九重不可越三爵何由舉

三十家詩鈔

卷五

梁

何遜

五

贈諸遊舊

弱操不能植薄伎竟無依淺智終已矣令名安可希擾擾從役
倦屑屑身事微少壯輕年月遲暮惜光輝一塗今未是萬緒昨
如非新知雖已樂舊愛盡睽違望鄉空引領極目淚沾衣旅客
長憔悴春物自芳菲岸花臨水發江燕遶檣飛無由下征帆獨
與暮潮歸

贈族人秣陵兄弟

何思澄爲秣陵令

吾宗昔多士文雅高縉紳小子無學術丁甯困負薪傍枝實紛
亂領袖寄親姻名價齊兩許閨門比三陳風力咸通邁藝業竝
紛綸元方振高羽洛令初解巾自爾典名郡所在號清淳齊兒

敢爲俗蜀物豈隨身祿俸不妻子謳吟乃吏民孰云穢明德惟
在中聖人若能遺酌我稱首當屬仁仲將本特達坎壈猶賤貧
方成天下士豈伊席上珍外情或簡易內鑒甚人倫時然臨下
邑摘伏信如神顧余晚脫畧懷抱日湮淪游宦疲年事來往厭
江濱十載猶先職一官乃任眞土牛竟不進芻狗空重陳羈旅
無儔匹形影自相親蕭索高秋暮砧杵鳴四隣霏霏入窗雨漠
漠暗牀塵所思不可見邈若胡與秦願子加餐飯良會在何辰

秋夕仰贈從兄寘南

堦蕙漸翻葉池蓮稍罷花高樹北風響空庭秋月華寸心懷是
夜寂寂漏方賒撫弦乏歡娛臨觴獨歎嗟悽愴戶涼入徘徊欄
影斜無爲淹戚里見就還田家

三十家詩鈔

卷五

梁

何遜

六

仰贈從兄興甯寘南

家世傳儒雅貞白仰餘徽宗派已孤狹財產又貧微棲息同蝸
舍出入共荆扉松筆昭臨沼蒲簡得垂帷幸逢四海泰日月耀
增輝相顧無羽翮何由總奮飛一朝異言宴萬里就睽違遠江
飄素沫高山鬱翠微相思對淼淼相望隔巍巍死灰終不然長
岑且未歸當憐此分袂脈脈淚沾衣

贈江長史別

二紀歷茲辰投分散遊處况事兼年德宴交無爾汝中歲多乖
違由來難具敘及君相藩牧伊余客梁楚出國乃參差會歸同

處所以茲篤惠好何用忘羈旅重得申平生何年更睽阻籠禽
恨踟促逸翮超容與餞道出郊坰把袂臨洲渚長飈落江樹秋
月照沙澈遠送子應歸棹開帆欲舉離舟懽未極別至悲無語
安得生羽毛從君入宛許

送韋司馬別

送別臨曲渚征人幕前侶離言雖欲繁離思終無緒憫憫分手
畢蕭蕭行帆舉舉帆越中流望別上高樓予起南枝怨子結北
風愁邈邈山蔽日洶洶浪隱舟隱舟邈已遠徘徊落日晚歸衢
竝駕奔別館空筵卷想子斂眉去知予銜淚返銜淚心依依薄
暮行人稀曖曖入塘港蓬門已掩扉簾中看月影竹裏見螢飛
三十家詩鈔 卷五 梁 何遜 七

螢飛飛不息獨愁空轉側北窗倒長簾南鄰夜聞織棄置勿復
陳重陳長歎息

南還道中送贈劉諮議別

一官從府役五稔去京華遽逐春流返歸帆得望家天末靜波
浪日際斂煙霞岸薺生寒葉村梅落早花遊魚上急水獨鳥赴
行植目想平陵柏心憶青門瓜曲陌背通垣長墟抵狹斜善鄰
談穀稼故老述桑麻寢興從閒逸視聽絕諠譁夫君日高興爲
樂坐驕奢室墮傾城佩門交接轆車入塞長雲雨出國暫泥沙
握手分歧路臨川何怨嗟

與崔錄事別兼敘攜手

去夏予回首言乃重行行今春遊派瀝訪子猶武城暫別年逾
半同歸月未盈復道中寒食彌留曠不平道術既爲務懽悵苦
未并及爾沈痾愈值茲秋序明石磧沿江靜沙流繞岸清川平
看鳥遠水淺見魚驚逝將窮履歷方欲恣逢迎何言聚易散鄉
棹爾孤征我本倦遊客心念似懸旌聞離常屑涕是別盡淒清
情一作况此忘懷地相愛猶弟兄脈脈畱南浦悠悠返上京欲鐫
星星鬢因君示友生

別沈助教

可憐玉匣劍復此飛鳧鳥未覺愛生憎忽見雙成隻一朝別笑
語萬事成疇昔道適若波瀾人生異金石願君深自愛共念悲
無益

三十家詩鈔

卷五

梁

何遜

八

與沈助教同宿湓口夜別

我爲潯陽客戒旦乃西游君隨春水駛雞鳴亦動舟共泛湓之
浦旅泊次城樓華燭已消半更人數唱籌行人從此別去去不
淹留

與蘇九德別

宿昔夢顏色咫尺思言偃疑作何况杳來期各在天一面踟躕
暫舉酒倏忽不相見春草似青袍秋月如團扇三五出重雲當
知我憶君萋萋若被逕懷抱不相聞

贈韋記室黯別

故人儻送別停車一水東去帆若不見試望白雲中促膝今何在
銜杯誰復同水夜看初月江晚泝歸風無因生羽翰千里暫
排空

初發新林

伊昔負薪暇慕義遊梁楚短翮忘連翩追飛散容與優游沐道
教漸漬淹寒暑大德本無酬輕生竊自許舟歸屬海運風積如
鵬舉浮水暗舟艫合岸喧徒侶凜凜窮秋暮初寒入洲渚鏡吹
響清江懸旗出長嶼危檣迴不盡杳浪高難拒回首泣親賓中
天望宛許帝城猶隱約家園無處所去矣方悠悠含意將何語

渡連圻二首

三十家詩鈔

卷五

梁 何遜

九

此山多靈異峻岨實非恆汎流自洄糾激瀨視奔騰懸崖抱奇
崛絕壁駕峻嶒磳礧上爭險岵嶇下相崩百年積死樹千尺掛
寒藤詭怪終不測迴沈意難登願欲書聞見聊以寄親朋
連圻連不極極望在雲霞絕壁無走獸窮岸有盤楂糾紛上巖
縱穿隙下巖穿魚遊若擁劍猿掛似懸瓜陰岸生駁薛伏水拂
澄沙客子行行倦年光處處華石蒲生促節巖樹落高花暮潮
還入浦夕鳥飛向家寓目皆鄉思何時見狹斜

下方山

寒鳥樹閒響落星川際浮繁霜白曉岸苦霧黑晨流鱗鱗逆去
水瀾瀾急還舟望鄉行復立瞻途近更脩誰能百里地縈繞千

端愁

入東經諸暨縣下浙江作

疲身不自量，溫腹無恆擬。未能守封植，何能固廉恥。一經可人言，三冬徒戲爾。虛信蒼蒼色，未究冥冥理。得彼既宜然，失之良有以。常言厭四壁，自覺輕千里。日夕聊望遠，山川空信美。歸飛天際沒，雲霧江邊傍一作起。安邑乏主人，臨邛多客子。鄉鄉自風俗，處處皆城市。所見無故人，含意終何已。

還渡五湖

我行朔已晦，泝水復沿流。戎傷初不辨，動默自相求。睠言還九派，迴艫出五洲。蕭散煙霧晚，淒清江漢秋。沙汀暮寂寂，蘆岸晚脩脩。以此南浦夜，重此北門愁。方圓既齟齬，貧賤豈怨尤。

三十家詩鈔

卷五

梁 何遜

十

春夕早泊和劉諮議落日望水

旅人嗟倦遊，結纜坐春洲。日暮江風靜，中川聞棹謳。草光天際合，霞影水中浮。單艫時向浦，獨檝乍乘流。變童泣垂釣，妖姬哭盪舟。客心自有緒，對此空復愁。

和劉諮議守風

彌旬苦淩亂，揆景候阡陌。晝想汝陽津，夜夢邯鄲驛。憤風急驚岸，屯雲仍逐石。蕭條疾帆流，硯礪衝波白。息榜已云久，維梢晨已積。蒼蒼極浦潮，杳杳長洲夕。本慙伏飛劍，甯慕澹臺壁。織羅若不御，跂予中上澤。

宿南洲浦

幽棲多暇豫從役知辛苦解纜及朝風落帆依暝浦違鄉已信
次江月初三五沈沈夜看流淵淵朝聽鼓霜州渡旅鴈朔颺吹
宿莽夜淚坐淫淫是夕偏懷土

學古贈邱永嘉征還

龍馬魚腸劍蹀躞起風塵結客蔥河返喧喧動四鄰入墟猶憶
舊覓巷復疑新窺見應門出遙識下機人相悲淚欲下離別方
自陳

和蕭諮議岑離閨怨

曉河沒高棟斜月半空庭窗中度落葉簾外隔飛螢含悲

玉臺作情

三十家詩鈔

卷五

梁

何遜

十一

下翠帳掩泣

玉臺作涕

閉金屏昔期今未返春草寒復青思君無轉

易何異北辰星

嘲劉諮議

房櫳滅夜火窗戶映朝光妖女褰帷去蹀躞初下牀雀釵橫曉
鬢蛾眉豔宿妝稍聞玉釧遠猶憐翠被香甯知早朝客差池已
鴈行

詠照鏡

朱簾旦初捲綺機晨未織玉匣開鑑影寶臺靜臨飾對影獨含
笑看花時轉側聊爲出繭眉試染天桃色寶釵若可間金鈿畏
相逼蕩子行未歸嘒妝坐沾臆

擬青青河畔草轉韻體爲人作其人識節工歌

春蘭

一作園

日應好折花望遠道秋夜苦復長抱枕向空牀吹臺

樓

下促節不言於此別歌筵掩團扇何時一相見絃絕猶依

軫葉落纔下枝卽此雖云別方我未成離

學古

樂府以第一首作長安少年行

長安美少年羽騎暮連翩玉羈瑪瑙勒金絡珊瑚鞭陣雲橫塞起赤日下城圓追兵待都護烽火望祁連虎落夜方寢魚麗曉復前平生不可定空信蒼浪天

其二

鞏洛上東門薄暮川流側渾渾車馬道行人不相識日夕棲鳥遠浮雲起新色寸心空延伫對面何由卽飛輪倘易去易去因風力

風力

其三

昔隨張博望辭帝長楊宮獨好西山勇思爲北地雄十年事河外雪一作雲鬢別關中季月邊秋重嚴野散寒蓬日隱龍城霧塵起玉關風全狐君已復半菽我猶空欲因上林鴈一見平陵桐

聊作百一體

靈輒困桑下於陵拾李螬歷齒方嗟賤灸背豈知豪傭畊乏旅力倚勢憚劬勞曠日無豆飭方冬缺緼袍清旦開蓬華舉目想煎熬樞機慎僕隸媒孽畏朋曹萬途皆自僻一事豈他褒恩恩

昨不定負杖出蓬蒿逢施同溝壑值設乃糠糶生途稍冉冉
水日滔滔咸言等木石誰當出羽毛

早朝車中聽望

詰旦鐘聲罷隱隱禁門通遽車響北闕鄭履入南宮宿霧開馳
道初日照相風胥徒紛絡驛騶御或西東暫暄耳目外還保性
靈中方驗遊朝市此說不爲空

臨行公車

擾擾排曙扉鱗鱗驅早駕禁門儼猶閉嚴城方警夜道勝多增
榮拙薄終難化以茲畎澮質重與滄溟舍纜舟去濁河揆景辭
清灞平生多意緒懷抱皆徂謝念此將如何撫心獨悲咤

三十家詩鈔

卷五

梁

何遜

三

秋夕歎白髮

絲白不難染蓬生直易扶惟見一作此星星鬢獨與眾中殊昔年

十四五率性頗廉隅直是安被褐非敢慕懷珠何言志事晚疲
拙嬰殊軀逢時乃倏忽失路亦斯須郊郭勤二頃形體憇一廡
涸蚌困魚目籠禽觸四隅宵長壁立靜廓處謝懽愉月色臨窗
樹蟲聲當戶樞飛蛾拂夜火墜葉舞秋株逐物均乘鶴違俗等
雙鳧故人倘未棄求我谷之隅

夜夢故人

客心驚夜魂言與故人同開簾覺水動映竹見牀空浦口望斜
月洲外聞長風九秋時未晚千里路難窮已如臃腫木復似飄

飄蓬相思不可寄直在寸心中

從主移西州寓直齋內霖雨不晴懷郡中遊聚

寓直慚虎賁沈迷豈職事祈祈寒枝動濛濛秋雨駛不見眼中
人空想山南寺雙桐傍欄上長楊夾門植夙昔構良遊接膝同
懽志東西忽爲阻向隅懷獨思颯颯履聲喧擾擾羣分異臥聞
復雷響坐視重局祕欲寄一行書何解三秋意

劉博士江丞朱從事同顧不值作詩云爾

故人篤久要新知從暮室崎嶇枉道過邂逅幽人出心期不會
面懷之成首疾向夕敞山扉臨窗玩餘帙蜘蛛正網戶落花紛
入膝浸淫水上風蔽虧霞中日良辰一攜手住坐無儔匹劉侯
三十家詩鈔卷五梁何遜

春暮喜晴酬袁戶曹苦雨

振衣喜初霽褰裳對晚晴落花猶未捲時鳥故餘聲春芳空悅
目游客反傷情鄉園不可見江水獨自清願得同攜手歸望對
都城

苦熱樂府作
苦熱行

昔聞草木焦今窺一作沙石爛
暄風逾靜瞳矇日漸肝習靜

闕一作衣衾讀書煩几案臥思清露浥坐待明星燦蝙蝠戶中

飛蟻蠓窗閒亂實無河朔飲空有臨淄汗遺金不自拾惡木甯

無幹願以三伏晨催促九秋換

七夕

仙車駐七襄鳳駕出天潢月映九微火風吹百和香來懽暫巧
笑還淚已沾裳一作啼妝依稀如洛汭倏忽似高唐別離未得語河
漢漸湯湯

揚州法曹梅花盛開一作早梅詠

兔園飄物序驚時最是梅銜霜當路發映雪擬寒開枝橫卻月
觀花繞凌風臺朝灑長門泣夕駐臨邛杯應知早飄落故逐上
春來

行經孫氏陵

三十家詩鈔

卷五

梁

何遜

五

昔在零陵厭神氣若無依逐兔爭先捷倚鹿兢因機呼嗆開伯
道叱咤掩江畿豹變分奇畧虎視肅戎威長蛇蚬巴漢驥馬絕
淮淝交戰無內禦重門豈外扉成功舉已棄凶德愼而違水龍
忽東驚青蓋乃西歸竭來已一作易永久年代曖微微苔石疑文
字荆墳失是非山鶯空曙響隴月自秋暉銀海終無浪金鳧會
不飛闐寂今如此望望沾人衣

塘邊見古冢

行路一孤墳路成墳欲毀空疑年代積不知陵谷徙幾逢一作經
秋葉黃驟見春流瀾金蠶不可織玉樹何時蕊陌上驅馳人笑
歌自侈靡今日非明日所念誰憐此

哭吳興柳惲

南州擅荆梓上國稱羽儀伊人以戴德李公傷在期遠識內無
愠深衷外有規一作窺清文窮麗則宏論盡高奇多能誠所貴小
善聊復為百步均射葉八體妙臨池曲悟同神解龜謀信有知
入朝耿長劔出牧盛層麾納言信加首豐貂亦在移霞區兩借
寇貪泉一舉厄翰飛矯未極朝露溘先危以茲舊館想况乃西
日垂蔓草生車轍枯木臥崩坻樽酒誰為滿靈衣空自披眷言
尋惠好慟哭悲路歧含毫徒有屬擗管竟無摛

登禪岡寺望和虞記室

南望南郭門拱樹梢雲密北窗北溱一作溱道重樓霧中出接樹

三十家詩鈔

卷五

梁何遜

去

隱高蟬交枝承落日光陰不可捨懷抱何由悉

答高博士

北窗涼夏首幽居多卉木飛蜨一作蝶弄晚花清池映疏竹為寔

得快性安閑聊鼓腹將子厭囂塵就予開耳目

贈王左丞

名僧孺

欄外鶯啼罷園裏日光斜游魚亂水葉輕燕逐風花長墟上寒
靄曉樹沒歸霞九華暮已隱抱鬱徒交加

敬酬王明府

僧孺

星稀初可見月出未成光澄江照遠火夕霞隱連檣賤軀臨不
測玉體畏垂堂念別已零淚况乃思故鄉

西州直示同員

日長禁戶倦卽事思短晨漏盡唱聲急此理復傷人矛盾交爲
論光璧帶成珍誓將收飲啄得得心神

野夕答孫郎擢

山中氣色滿墟上生煙露杳杳星出雲啾啾雀隱樹虛館無賓
客幽居乏權趣思君意不窮長如流水注

石頭答庾郎丹

高樹蔭樓密細草綠成被黃鸝隱葉飛蛺蝶縈空戲陰岑自爾
悅寂寥子罕寄相如阻禁闈何由從簡易

日夕出富陽浦口和朗公

三十家詩鈔

卷五

梁

何遜

七

客心愁日暮徙倚空望歸山煙涵樹色江水映霞暉獨鶴凌空
逝雙鳧出浪飛故鄉千餘里茲夕寒無衣

臨行與故遊夜別

文苑英華作從鎮
江州與故遊別

歷稔共追隨一旦辭羣匹復如東注水未有西歸日夜雨滴空
堦曉燈暗離室相悲各罷酒何時同一作促膝

與胡興安夜別

居人行轉軾客子暫維舟念此一筵笑分爲兩地愁露溼寒塘
草月映清淮流方抱新離恨獨守故園秋

車中見新林分別甚盛

金谷賓遊盛青門冠蓋多隔林望行幃下阪聽鳴珂於時春未

歇麥氣始清和還入平原逕窮巷可張羅

曉發

早霞麗初日清風消薄霧水底見行雲天邊看遠樹且望沿沂
劇暫有江山趣疾兔聊復起爽地豈能賦

慈姥

磯集作慈姥
磯聯句

暮煙起遙岸斜日照安流一同心賞夕暫解去鄉憂野岸平沙
合連山遠霧浮客悲不自己江上望歸舟

見征人分別

淒淒日暮時親賓俱竝立征人拔劍起兒女牽衣泣候騎出蕭
關追兵赴馬邑且當橫行去誰論裏屍入

三十家詩鈔

卷五

梁

何遜

大

同虞記室登樓望遠歸

登樓欲望遠遙遙見白衣白衣猶遠遠言是稍知非對窗看寶
瑟入戶弄鳴機無令日光晚門閣掩重扉

與虞記室諸人詠扇

如珪信非玷學月但爲輪機杼靡蕪妾裁縫篋笥人搖風入素
手占曲掩朱脣羅袖幸拂拭微芳聊可因

看伏郎新婚

露夕蓮出水霞朝日照梁何如花燭夜輕扇掩紅妝良人復灼
灼席上自生光所悲高駕動環珮出長廊

詠娼婦

暖暖高樓暮華燭帳前明羅帷雀釵影寶瑟鳳雛聲庭花枝上
發新月霧中生誰念當窗牖相望獨盈盈

詠舞一作詠妓

管清羅薦合絃驚雪袖遲逐唱迴纖手聽曲轉蛾眉凝情眇墮
珥微睇託含辭日暮留嘉客相看愛此時

望新月示同羈

初宿長淮上破鏡出雲明今夕千餘里雙蛾映水生的的與沙
靜灩灩逐波輕望鄉皆下淚非我獨傷情

詠春雪寄族人治書思澄

可憐江上雪迴風起復滅本欲映梅花翻悲似玉屑朝鶯日弄
三十家詩鈔

卷五

梁

何遜

十九

響暮條可行結咸言不適時安知非矯節

和司馬博士詠雪

凝堦夜似月拂樹曉疑春蕭散忽如盡徘徊已復新暫蔽卷紉
質復慙施粉人若逐微風起誰言非玉塵

詠白鷗兼嘲別者

可憐雙白鷗朝夕水上游玉臺作浮何言異棲息雌住雄不畱孤飛
出澗浦獨宿下滄洲東西從此別影響絕無由

行經范僕射故宅

旅葵應蔓井荒藤已上扉寂寂空郊暮無復車馬歸澗灩故池
水蒼茫落日暉遺愛終何極一作闌寂今如此行路獨沾衣

王尚書瞻祖日

昱昱丹旒振亭亭素蓋立金鐸謹已鳴龍輻將復入華臺日未
徙荒墳路行溼已矣將何如賓馭皆灑泣

送褚都曹聯句

君隨結客去我乃倦遊歸本願同棲息今成相背飛

送司馬首入五城

隨風飄岸葉行雨暗江流居人會應返空欲送行舟

邊城思

柳黃未吐葉水綠半含苔春色邊城動客思故鄉來

爲人妾思二首

三十家詩鈔

卷五

梁 何遜

三

魂銷形已去釵落猶依枕欲去淚無背不看悲復甚
機中刺繡所窗下朝妝處未憶神已傷欲忘悲不去

爲人妾怨

燕戲還檐際花飛落枕前寸君不見拭淚坐調絃

閨怨二首

玉臺作
秋閨怨

竹葉響南窗月光照東壁誰知夜獨覺枕前雙淚滴
閨閣行人斷房櫳月影斜誰能北窗下獨對後園花

南苑

一作
苑中

苑門闢千扇苑戶開萬扉樓殿聞珠履竹樹隔羅衣

苑中見美人

羅袖風中捲玉釵林下耀團扇承落花復持掩餘笑

詠春風

可聞不可見能重復能輕鏡前飄落粉琴上響餘聲

離夜聽琴

別離既有緒琴瑟反成悲美人多怨態亦復慘長眉

相送

客心已百念孤遊重千里江暗雨欲來浪白風初起

答江革聯句不成

日余乏文幹逢君善草札工拙既不同神氣何由拔

又答江革

三十家詩鈔

卷五

梁 何遜

三

棘端雖非譬至妙安可量要知同罔象然始見毫芒

擬古三首聯句

家本青山下好上青山上青山不可上一上一惆悵遜匣中一

明鏡好鑑明鏡光明鏡不可鑑一鑑一情傷范少知雅琴曲好

聽雅琴聲雅琴不可聽一聽一沾纓劉孝綽

往晉陵聯句

臨別我傷悲送歸子自適劉金不可散卜蓋何由惜遜從來重

分陰未曾輕尺璧故任情一異於是望三益高爾自高樓寢子

返東皋陌寄語落毛人非復平原客遜問舍且求田音亂無可

擇勝門成好事盤紆欲何索爽

范廣州宅聯句

洛陽城東西卻作經年別昔去雪如花今來花似雪雲濛濛夕
煙起奄奄殘暉滅非君愛滿堂甯我安車轍遜

相送聯句

寸陰常可惜別至倍傷神子瞻天際水予望路中塵韋憫憫歧
路側去去平生親一朝事千里流涕向三春遜

其二

昔共入門笑今成送別悲君還舊聚處為我一頓眉王江乘於今
還促膝自此客江湄願子俱停駕看我獨解維遜

其三

三十家詩鈔 卷五 梁 何遜 主
高軒雖駐軫餘日久無輝以我辭鄉淚沾君送別衣遜

至大雷聯句

高談會良夕滿酒對羈情閔閔風煙動蕭蕭江雨聲遜密雲窮
浦暗飛電遠洲明若非今冥適詎使客愁輕劉孺遙舟似連鴈遠
火若迴星江潭望如此銜卮共君傾桓季圭

賦詠聯句

敝履常決踵眉高起半額曼倩爾何為獨歎長安索遜工商既
慚巧農士聊相易蝨腹有餘資鴻眉方可拍江革攝職媿握蘭濫
官悲執戟連章既不敏高談豈能劇孺逸翮任奮飛窘步事羈
勒還鳥余能繫流言爾無惑革憂懷乃千載永懽常數刻直是

悲別離非關念通塞遜日照汀沙素山影波浪黑爾限大江南
余歸茂陵北孺

臨別聯句

臨別情多緒送歸涕如霰君望長安城予悲獨不見遜爾來同
去國予歸方異縣懷別心獨憂下淚方濺濺孺

增新曲相對聯句

酒闌日隱樹上客請調絃嬌人挾瑟至逶迤未肯前劉孝勝舊愛
今何在新聲徒自憐有曲無人聽徙倚高樓前何澄徘徊映日照
轉側被風吹徒爲相思響傷春君不知劉綺月昏樓上坐含悲望
別離已切空牀怨復看花柳枝遜

三十家詩鈔

卷五

梁

何遜

三

照水聯句

插花行理鬢遷延去復歸雖憐水上影復恐溼羅衣遜臨橋看
黛色映渚媚鉛暉不顧春荷動彌畏小禽飛綺

折花聯句

笑出春園裏望花聯褰纈欲以間珠鈿非爲相思折遜日照爛
成綺風來聚疑雪試采一技歸願持因遠別綺

搖扇聯句

紈扇已新製蕩婦復新妝欲掩羞中笑還飄袖裏香遜在握時
搖動當歌掩抑揚誰云減羅袂影日聊自障綺

正釵聯句

正釵聯句

竹臺歸欲礙花林出未通度簪先分影轉珥忽瞻風遜雙橋耀
寶鈿闌密復叢羞令挂一作桂纓闕整插補餘空綺

吳叔庠五古一百三十四首樂府詩集錄者以△識之

△戰城南

蹀躞青驪馬往戰城南畿五歷魚麗陣三入九重圍名情武安
將血汙秦王衣為君意氣重無功終不歸

其二

此與下篇藝文失題列戰城南後英華遂以為題當再考

前有濁樽酒

一作酒尊

憂思亂紛紛小來

一作少年

重意氣學劍不學文

忽值胡關靜匈奴遂兩分天山已半出龍城無片雲漢世平如

此何用李將軍

三十家詩鈔

卷五

梁 吳均

二五

其三

詩彙作胡無人行

陌上何諠諠匈奴圍塞垣黑雲藏趙樹黃塵埋隴垠天子羽書

勞將軍在玉門關

△雉子班

樂府解題曰古詞云雉子高飛止黃鵠飛之以千里雄來飛從雌視若梁簡文帝姪場時向隴但詠

雉而已宋何承天有雉子遊原澤篇大意言避世之士

抗志清霄視啣相功名猶冰炭之不相入也仲庠此作

竝及遊俠報恩與何詩又別

可憐雉子班羣飛集野甸文章始陸離意氣已驚狷幽并遊俠
子直心亦如箭死節報君恩誰能孤恩眄

△入關

羽檄起邊庭烽火亂如螢是時張博望夜赴交河城馬頭要落

日劍尾掣流星君恩未得報何論身命傾

△梅花落

郭云梅花落本笛中曲也按唐大角曲亦有大單于小單于大梅花小梅花等曲今其聲猶有存者

終天十二月寒風西北吹獨有梅花落飄蕩不依枝流連逐霜彩散漫下冰澌何當與春日共映芙蓉池

△城上烏

古詞烏生八九子大旨言壽命各有定分死生何論前後也城上烏蓋出於此

鳴鳴城上烏翩翩尾畢逋凡生八九子夜夜啼相呼質微知慮少體賤毛衣麤陛下三萬歲臣至執金吾

△從軍行

男兒亦可憐立功在北邊陣頭橫卻月馬腹帶連錢懷戈發隴坻乘凍至遼川微誠君不愛終自直如弦

三十家詩鈔

卷五

梁吳均

三

△胡無人行

古今樂錄曰王僧虔按錄有胡無人行今不歌

劍頭利如芒恆持照眼光鐵騎追驍虜金羈討黠羌高秋八九月胡地早風霜男兒不惜死破膽與君嘗

△雉朝飛操

二月雉朝飛橫行傍壠歸斜看水外翟側聽嶺南暈躑躅恆欲戰耿耿恃疆威當令君見賞何辭碎錦衣

△渡易水

雜虜客來齊時余在角觝揚鞭渡易水直至龍城西日昏笳亂動天曙馬爭嘶不能通瀚海無面見三齊

結客少年場

結客少年歸翩翩駿馬肥報恩殺人竟賢君賜錦衣握蘭登建
禮拖玉入含暉顧看草玄者功名終自微

△妾安所居

賤妾先有寵蛾眉進不遲一從西北麗無復城南期何因一作
暫豔逸豈為之妍姿徒有黃昏望甯遇青樓時惟惜應門掩方
餘永巷悲匡牀終不共何由橫自私

△送歸曲

送子獨南歸攬衣空憫默關山晝欲暗河冰夜向塞燕至他人
鄉鴈去還誰國寄子兩行書分明達濟北

△夾樹

三十家詩鈔 卷五 梁 吳均
桂樹夾長陂復值清風吹氤氳揉芳葉連綿交密枝能迎春露
點不逐秋風移願君長惠愛當使歲寒知

△城上麻

麻生滿城頭麻葉落城溝麻莖左右披溝水東西流少年感恩
命奉劔事西周但令直心盡何用返封侯

擬古四首

△陌上桑

崔豹古今註曰陌上桑者出秦氏女子秦氏邯
鄲人有女名羅敷為邑人王仁妻王仁後為趙
王家令羅敷出採桑於陌上趙王登臺見而悅之因
置酒欲奪焉羅敷乃作陌上桑之歌以自明趙王乃
止

嫋嫋陌上桑蔭陌復垂塘長條映白日細葉隱鸝黃蠶飢妾復

思試淚且提筐故人甯知此離恨煎人腸

△秦王卷衣

樂府解題曰秦王卷衣言咸陽春景及宮闈之美秦王卷衣以贈所歡也唐李白亦有秦

女卷衣

咸陽春草芳秦帝卷衣裳玉檢茱萸匣金泥蘇合香初芳薰復
帳餘輝耀玉牀當須晏朝罷持此贈華陽一作龍陽

△采蓮曲

錦帶雜花鈿羅衣垂綠川問子今何處出采江南蓮遼西三千
里欲寄無因緣願君早旋返及此荷花鮮

△攜手曲

豔裔陽之春攜手清洛濱雞鳴上林苑薄暮小平津長裾藻白
三十家詩鈔

卷五

梁吳均

三

日廣袖帶芳塵故交一如此新知詎憶人

△采蓮曲

江風當夏一作夜清桂楫一作權逐流縈初疑京兆劒復似漢冠名

荷香帶風遠蓮影向根生葉捲珠難溜花舒紅易傾日暮扁舟
滿歸來度錦城

△三婦豔詩

大婦絃初切中婦管方吹小婦多姿態含笑逼清卮佳人勿餘
及殷勤妾自知

△大垂手

樂府解題曰大垂手小垂手皆言舞而垂其手也隋江總婦病行曰夫婿府中趨誰能大垂手是也又獨搖手亦與此同

垂手復迢迢飛燕掌中嬌羅衫恣風引輕帶任情搖詎似長沙地促舞不回腰

△小垂手

舞女出西秦躡影舞陽春且復小垂手廣袖拂紅塵折腰應兩笛頓足轉雙巾蛾眉與曼臉見此空愁人

△有所思

薄暮有所思終持淚煎骨春風驚我心秋露傷君髮

△雍臺

雍臺十二樓樓樓鬱相望隴西飛狐口白日盡無光

△楚妃曲

劉向列女傳曰楚姬楚莊王夫人也莊王好狩獵畢弋樊姬諫不止乃不食禽獸之肉樂府解題曰

三十家詩鈔

卷五

梁 吳均

天

陸機吳趨行云楚妃且勿歎明非近題也按謝希逸琴論有楚妃歎七拍

春妝約春黛如月復如蛾玉釵照繡領金薄厠紅羅

△白浮鳩

古今樂錄曰白浮鳩倚歌亦曰白附鳩本拂舞曲也

瑯琊白浮鳩紫鬢飄陌頭食飲東筓野棲宿越王樓

△陽春歌

紫苔初泛水連綿浮且沒若欲歌陽春先歌青樓月

△別鶴

別鶴尋故侶聯翩遼海間單棲孟津水驚唳隴頭山

△淶水曲

香陵金堤滿湛淡春塘溢已送行臺花復倒高樓日

綠竹

嬋娟鄣綺殿繞弱拂春漪何當逢採拾爲君笙與箴

王侍中夜集

抽蘭開石路剪竹製山扉文淪見綠水參差隱翠微西山採藥
至東都謝病歸紡毛織野服縫芟作山衣欲知三青鳥檐上素
雲飛

登鍾山燕集望西靜壇

客思何以緩春郊滿初律高車陸離至駿騎差池出寶椀汎蓮
花珍杯食竹實才勝商山四文高林竹七復望子喬壇金繩蘊
綠帙風雲生屋宇芝映被仙室方隨鳳凰去悠然駕白日

三十家詩鈔

卷五

梁

吳均

无

與柳惲相贈答六首

黃鸝飛上苑綠芷出汀洲日映昆明水春生鵝鵲樓飄颺白花
舞瀾漫紫萍流書織迴文錦無因寄隴頭思君甚瓊樹不見方
離憂

鳴鞭適大阿聯翩渡漳河燕姬及趙女挾瑟夜經過纖腰曳廣
袖半額畫長蛾客本倦遊者箕帚在江沱故人不可棄新知空
復何

離居苦無樂回慕心悽悽要途訪趙使聞君仕執珪杜蘅色已
發菖蒲葉未齊羃屨蠶餌繭差池燕吐泥願逐東風去飄蕩至
遼西

白日隱城樓勁風掃寒木離枋隔東西執手異涼燠相思咽不
言洞房清且肅歲去甚流煙年來如轉軸別鶴千里飛孤雌夜
未宿

閒房肅已靜落月有餘暉寒蟲隱壁思秋蛾繞燭飛絕雲斷更
合離禽去復歸佳人今何在迢遞江之沂一爲別鶴弄千里淚
沾衣

秋雲靜晚天寒夜方綿綿聞君吹急管相思雜采蓮別離未幾
日高月三成弦蹀躞黃河浪嘶唱隴頭絃寄君靡蕪葉插著叢
臺邊

答柳暉

三十家詩鈔

卷五

梁

吳均

三

清晨發隴西日暮飛狐谷秋月照層嶺寒風掃高木霧露夜侵
衣關山曉催軸君去欲何之參差間原陸一見終無緣懷悲空
滿目

贈柳真陽

王孫清且貴築室芙蓉池羅生君子樹雜種女貞枝南窗帖雲
母北戶映琉璃銜書輓轡鳳坐水玉盤螭朝衣菜萸錦夜覆葡
萄卮聯翩驂赤兔窈窕駕青鸞龍泉甚鳴利如何獨不知

贈任黃門二首

相如體英彥左右生容輝已紆漢帝組復解梁王衣經過雲母
扇出入千金一作門扉連洲茂芳杜長山鬱翠微欲言終未敢徒

然獨依依徒然一作默默

紛吾少馳騁自來乏名德白玉鏤衢鞍黃金瑪瑙勒射鵬靈邱

下驅馬鴈門北殷勤盡日華畱連窮景黑歲暮竟無成憂來坐

默默

酬蕭新浦王洗馬二首蕭子雲封新浦侯王筠為太子洗馬

始可結交者文酒滿金壺圍碁帝臺局繫馬秦王蒲長劔皆玉

具短笛悉銀塗送歸日愁滿畱客袂紛吾今成桓山上秋風星

散烏

思君出江湄慷慨臨長薄獨對東風酒誰舉指南酌崇蘭白帶

飛青鵷紫纓絡一年流淚同萬里相思各胡為舍旃去故人在

三十家詩鈔

卷五

梁采 吳均

三

宛洛

答蕭新浦

僕本二陵徒英豪多久要角觝良家兒期門惡年少身一作腰紆

丈二組手擎尺一詔問子行何去高帆艤江干今夜杯酒別明

朝江水邊莓莓看細雨漠漠視濃煙颯灑入銅翦低昂五會船

欲知故人者江南共采蓮悵然心不樂跨馬出城壕觀濤看白

鷺望草見青袍青袍行中把蔽草覆平野公子不垂堂紛紛故

交者肘懸辟邪印屋曜鴛鴦瓦翩翩流水車蕭蕭曳練馬是時

君別我青莎沒馬蹏連連文蠶繭鷺鷺伺朝鷄今日余懷友積

恨一作雪滿東西

酬周參軍

日暮憂人起倚戶，悵無懽水傳洞庭。遠風送鴈門，寒江南霜雪。重相如衣服，單沈雲隱喬。樹細雨滅層巒，且當對樽酒。朱絃永夜彈。

贈杜容城

帝王集作簡文帝詠
燕今從玉臺作吳均

一燕海上來，一燕高堂息。一朝相逢遇，依然舊相識。問余來何遲，山川幾紆直。答言海路長，風駛飛無力。昔別縫羅衣，春風初入帷。今來夏欲晚，桑扈一作薄樹飛。

贈朱從事

我行欲何之，千里尋膠漆。長葭歷渚生，疏蒲緣岸出。裊裊能隨三十家，詩鈔梁卷五吳均風離離，堪度日。客思已飄蕩，相思復非一。未得幸殷勤，先作數行泣。

贈姚郎

星漢正參差，佳人不在斯。宿昔暫乖阻，何異遠分離。露染蘼蕪葉，日照芄蘭枝。風光已飄薄，雲采復逶迤。勞夢無人覺，默默心自知。

贈王桂陽別三首

昔聞楊伯起，拖玉振清風。高華積海外，名實滿山東。自有五都相，非無四世公。臨窗驚白日，倚匣曳輕虹。願持鷓鴣羽，歲暮依梧桐。

客子慘無歡送別江之干白雲方渺渺黃鳥尚關關糾紛巫山石合沓洞庭瀾行衣侵曉露征舸犯夜湍無因停合浦見此去

一作珠還

樹響峽山來猿一作溪聲繞岫急旅帆風飄揚行巾露沾溼深浪

闇兼葭濃雲沒城邑不見別離人獨有相思泣

酬別江主簿屯騎

有客告將離贈言重蘭蕙泛舟當泛濟結交當結桂濟水有清源桂樹多芳根毛公與朱亥俱在信陵門趙瑟鳳凰柱吳釀金罍樽我有北山志流連為報恩夫君皆逸翮搏景復凌鸞白雲閒海樹秋日暗平原寒蟲鳴趯趯落葉飛翻翻何用贈分首自三十家詩鈔卷五 梁 吳均

有北堂萱

酬別一作王筠詩題云酬張淮南別

故人杯酒別天清明月亮露下寒葭中風起秋江上衣染潺湲淚棹犯參差浪七首直千金七寶雕華裝側亮反生離何用表賴此持相餉

贈別新林一作江潭怨

僕本幽并兒抱劍事邊陲風亂青絲絡霧染黃金羈天子既無賞公卿竟不知去去歸去來還傾鸚鵡杯氣為故交絕心為新知開但令寸心是何須銅雀臺

發湘州贈親故別三首

相送出江潯淚下沾衣襟何用敘離別臨歧贈好音敬通才如此君山學復深明哲遂無賞文華空見沈古來非一日無事更勞心

雲生曉靄靄花落夜霏霏問余何意別答言倦遊歸徒勞易水布空負洛陽衣懷金無人別抱玉遂成非安得久畱滯商山饒白薇

君畱朱門裏我至廣江濱城高望猶見風多聽不聞流蘋方繞繞落葉向一作尚紛紛無由得共賞山川閒白雲

同柳吳興烏亭集送柳舍人

河陽一帳望南浦送將歸雲山離曉曖花霧共依霏流連百舌

三十家詩鈔

卷五

梁 吳均

三

哢上下陽禽飛桂舟無淹柅玉軫有離徽願君嗣蘭杜時采東

皋薇

同柳吳興何山集送劉餘杭

何山湖州山名

王孫重離別置酒峯之巖逶迤川上草參差澗裏薇輕雲紉遠岫細雨沐單衣檐端水禽息窗上野螢飛君隨綠波遠我逐清風歸

送柳吳興竹亭集

平原不可望波瀾千里直夕魚汀下戲暮雨檐中息白雲時去來青峯復負側躑躅牛羊下晦昧崦嵫色王孫猶未歸且聽西光匿

初至壽春作

桓譚不賣交馮子任紆直浮溺逐波影飄揚恣風力北州少知
舊南陽寡相識中駕每傾輪當騫復摧翼望美無津梁私自憐
何極

登壽陽八公山

遠澗自傾曲石激復菱菱含珠岸恆翠懷玉浪多圓疏峯時吐
月密樹不開天瑤繩盡玄祕金檢上奇篇是有琴高者凌波去
水仙

壽陽還與親故別

故人來送別帳酒臨行阡露繁秋色慢氣悽蟬聲煎鴈渡章華
三十家詩鈔 卷五 梁 吳均 三

邊城將四首

塞外何紛紛胡騎欲成羣爾時始應募來投霍冠軍刀含四尺
影劍抱七星文袖間血灑地車中旌拂雲輕軀如未殞終當厚
報君

僕本邊城將馳射靈關下箭銜鴈門石氣振武安瓦勳輕賞廢
邱名高拜橫野畱書應鑿楹傳功須勒社徒傾七尺命酬恩終
自寡

聞君報一餐遠送出平野玉標丹霞劍金絡豔光馬高旗入漢

飛長鞭歷地寫曙星海中出曉月山頭下歲晏坐論功自有思
臣者

臨淄重蹴鞠曲成好擊刺不要身後名專騁眼前智君看班定
遠立功不負義擗拽二丈旗躑躅雙鳧騎但問相知否死生無
險易

秋念

團團珠暉轉炤炤漢陰移箕風入桂露璧月滿下一作瑤池樹青
草未落蟬涼葉已危還深長夜想顧憶臨邛后芳杜果蕪沒纓
帶欲何為

春怨

三十家詩鈔 卷五 梁 吳均 美
四時如湍水飛奔競迴復夜烏響嚶嚶朝花照煜煜厭見花成
子多看筍成一作竹萬里斷音書十載異棲宿積愁落芳鬢長
啼壞美目君去往榆關妾畱住函谷唯對昔邪房如愧蜘蛛屋
獨喚響相酬還持影自逐象牀易氈簾羅衣變單複幾度過風
霜猶能保煢獨

采藥大布山

我本北山北緣澗采山麻九莖日反一作照三葉長生花可用
蠲憂疾聊持駐景斜景斜不可駐年來果如驅安得崑崙山偃
蹇三珠樹三珠始結莢絳葉凌朱臺玉壺白鳳肺金鼎青龍胎
韓眾及王子何世無仙才安期儻欲顧相見在蓬萊

贈周散騎興嗣二首

子雲好飲酒家在成都縣製賦已百篇彈琴復千轉敬通不富
豪相如本貧賤共作失職人包山一相見

昔一作吾賢當路者聲名振華夏朱輪玳瑁車紫鞵連錢馬朝花
舞風中一作去夜月窺窗下想君貴易朋居然應見舍

贈周興嗣四首

見文苑
英華註

孺子賤而貧且非席上珍唯安萊蕪甑兼慕林宗巾百年逢繹
綵千里遇殷勤願持江南蕙以贈生芻人

思君欲何言中心亂如霧淚下非一端愁來誰有數子爲馮敬
通不減汲長孺千里無關梁安得王喬履

三十家詩鈔

卷五

梁

吳均

毛

與君初相知不言異一宿意欲寒衣裳陰雲亂人目之子伏高
臥伊予空杼軸無因渡淇水見此猗猗竹
可怨思公子終自不敢言青松蔽南隴白雲生北園沈憂無人
語默念空憑軒安得湛盧劍以報相知恩

入蘭臺贈王治書僧孺

故人揚子雲校書麟閣下寂寞少交遊紛綸富文雅予爲隴西
使寓居洛陽社相思非不深行行避驄馬

江上酬鮑幾

振棹出江湄依依望九疑欲謁蒼梧帝過問沅湘姬折荷縫作
蓋落羽紡成絲吾行別有意不爲君道之

贈柳祕書

藤蕪與丹桂奇心復奇骨已蔽蒼龍門又影鳳凰闕紫雲依夜
來清風扶晚發鴛鴦若上天寄聲謝明月

詣周丞不值因贈此詩

竹枝任風轉蘭心逐風卷青雲葉上團白露花中泣聞君入騎
疏聊寄錦中書一隨平原客甯憶豫章徐

遙贈周丞

巨石亂天涯雜樹鬱參差伯魚留蜀郡長房還葛陂練練波中
月亭亭雲上枝高岑蔽人者無處得相知

周丞未還重贈

石渠闕無人子雲今何在顧望獨懷憂銜杯竟誰待散雪逐吹
塞蓬姿浮霜采甘泉無竹花鵝雛欲還海

贈王桂陽

松生數寸時遂爲草所沒未見籠雲心誰知負霜骨弱幹可摧
殘纖莖易凌忽何當數千尺爲君覆明月

酬郭臨丞

聞君立名義我亦倦晨征馬在城上蹀劍自腰中鳴白日遼川
暗黃塵隴坻驚願君但銜酒深知有素誠

憶費昶

皎皎日將上獵獵起微風山沒清波內帆在浮雲中直趣珠星

北斜開碧海東故人若思我當念離恨蓬

酬聞人侍郎別三首

悵然心不樂萬里向悠悠凌朝憩枉渚薄暮遵江洲君住青門
上我發霸陵頭相思自有處春風明月樓

整棹北川湄迴首望城邑林疏風至少山高雲度急共懷萬里

心各作千行泣欲見終無緣思君空伫立

舉首川之折

當作

離鴻四向飛子憐三湘薜

說文薜草也子虛賦高燥生薜張揖

日薜賴蒿也按賴蒿蓋即賴蕭

我憶五陵薇但使同嘉遁何必共輕肥思君美

如玉不覺淚沾衣

贈鮑春陵別

三十家詩鈔

卷五

梁

吳均

堯

落葉思紛紛蟬聲猶可聞水中千丈月山上萬重雲海鴻來候

去林花合復分所憂別離意白露下霑裙

別王謙

嚴光不逐世流轉任飛蓬欲還天台嶺不狎甘泉宮離歌玉絃

絕別酒金卮空倘遺故人念僕在東山東

奉使廬陵

悵然不自怡端憂坐漠漠風急鴈毛斷冰堅馬蹏落客子飢寒

多江上衣裝薄何當報恩罷驅車還北郭

迎柳吳興道中

團團日西靡客念已蹉跎長風倒危葉輕練網寒波白雲光彩

麗青松意氣多所言飽恩德忘我北山蘿

至湘州望南嶽

重波淪且直連山糾復紛鳥飛不復見風聲猶可聞
隴隴樹裏月飄飄水上雲長安遠如此無緣得報君

登二妃廟

朝雲亂人目帝女湘川宿折齒巫山下采苕洞庭腹故以輕薄
好千里命艫舳何事非相思江上葳蕤竹

詠懷二首

僕本報恩人走馬救東秦黃龍暗迢遞青泥寒苦辛野戰劍鋒
盡攻城才智貧唯餘一死在畱持贈主人

三十家詩鈔

卷五

梁

吳均

罕

元叔勢位卑長卿宦情寡二頃且營田三錢聊飲馬懸風白雲
上挂月青山下心中欲有言未得忘言者

古意

雜虜寇銅鞮征役去三齊扶山剪疏勒傍海掃沈黎劍光夜揮
電馬汗晝成泥何當見天子晝地取關西

其二

匈奴數欲盡僕在玉門關蓮花穿劍鏢秋月掩刀環春機思窈
窕夏鳥鳴綿蠻中人坐相望狂夫終未還

其三

西都盛冠蓋九遠塵霧塞中有惡少年伎能專自得玉鞭蓮花

劔金苕流星勒聊爲路傍人寫鞞長楸北

△其四

樂府作採桑

賤妾思不堪採桑渭城南帶減連枝繡髮亂鳳皇簪一作花舞
依長薄蛾一作飛愛綠潭無由報君信流涕向春蠶

其五

妾本倡家女出入魏王宮既得承瑠輦亦在更衣中蓮花銜青
雀寶粟鈿金蟲猶言不得意流涕憶遼東

其六

何處報君書隴右五歧路泪研兔枝墨筆染鵝毛素碧浮孟渚
水香下洞庭路應歸遂不歸芳春空擲度

三十家詩鈔

卷五

梁

吳均

望

其七

妾家橫塘北發豔小長干花釵玉宛轉珠繩金絡紈一作羃歷
懸丹一作鳳透迤搖白團誰能分見此含恨不能言

閨怨二首

胡笳屢悽斷征蓬未肯還妾坐江之介君戍小長安相去三千
里參商書信難四時無人見誰復重羅紈

春草可攬結妾心正斷絕綠鬢愁中改紅顏啼裏滅非獨淚成
珠亦見珠成血願爲雙飛鵲一作雙鵲一作翩翩照離別玉臺作古意

去妾贈前夫

去妾在河橋相思復相撩鳳皇簪落髮蓮花帶緩腰腸從別處

斷貌在淚中消願君憶疇昔片言時見饒

△詠少年

樂府作少年子

董生能巧笑子都信美目百萬市一言千金買相逐不道參差
茶誰論窈窕淑願言捧繡被來就越人宿

詠雪

微風搖庭樹細雪下簾隙縈空如霧轉凝階似花積不見楊柳
春徒看桂枝白零淚無人道相思空何益

雪

雪逐春風來過集巫山野瀾漫雖可愛悠一作揚詎堪把問君

何所思昔日同心者坐須風雪霽相期洛城下

三十家詩鈔

卷五

梁

吳均

望

春詠

春從何處來拂水復驚梅雲障青瑣闥風吹承露臺美人隔千
里羅幃閉不開無由得共語空對相思杯

共賦韻詠庭中桐

龍門有奇價自言梧桐枝華暉實掩映細葉能披離不降周王
子空待歲時移嚴風忽交勁遂使無人知

詠柳

細柳生堂北長風發鴈門秋霜常振葉春露詎濡根朝作離蟬
字暮成宿鳥園不爲君所愛摧折當何言

主人池前鶴

本自乘軒者爲君階下禽摧藏多好貌清唳有奇音稻梁惠既重華池遇亦深懷恩未忍去非無江海心

寶劍

我有一寶劍出自昆吾溪照人如照水切玉如切泥鏗邊霜凜凜匣上風淒淒寄語張公子何當來見攜

詠燈

昔在鳳皇闕七采蓮花莖陸離看寶劍爛漫照文屏檣豔煙光轉氛氲霧裏輕能方三五夜桂樹月中生

別夏侯故章

白馬黃金羈青鸞紫絲鞵新知關山別故人河梁送置此一函

三十家詩鈔

卷五

梁 夏侯

聖

書爲余達雲夢

以服散鎗贈殷鈞

玉鉉布交文金丹煥仙說九沸翻成緩七轉良爲切執以代疏麻長貽故人別

梅花

梅性本輕蕩世人相陵賤故作負霜集作雪花欲使綺羅見但願

深相知千當作早摧非所戀

征客

公卿來帳別葭聲在狹斜玉樽浮雲蓋朱輪流水車鞵中懸明月劔杪照蓮花

雜句四首

畫蟬已傷念夜露復沾衣昔別曾何道今夕螢光飛

錦腰連枝滴

一作理

繡領合歡斜夢中誰不見終成亂眼花

蜘蛛檐下挂絡緯井邊啼何曾得見子照鏡窗東西

泣聽離夕歌悲銜別時酒自從今日去當復相思否

山中雜詩三首

山際見來煙竹中窺落日鳥向檐上飛雲從窗裏出

綠竹可充食女蘿可代裙山中自有宅桂樹籠青雲

具區窮地險嵇山萬里餘奈何梁隱士一去無還書

詠雲二首

三十家詩鈔

卷五

梁 吳均

四

飄飄上碧虛藹藹隱青林氛氲如有意縈鬱詎無心

白雲蒼梧來過拂章華臺逢河散復卷經風合且開

詠慈姥磯石上松

根爲石所蟠枝爲風所碎賴我有貞心終凌細草輩

送呂外兵

白雲浮海際明月落河濱送君長太息徒使淚沾巾

傷友

可憐桂樹枝懷芳君不知摧折寒山裏遂死無人窺

本集有行路難五首
七言以非五古未鈔

庾子慎五古八十八首

樂府詩集錄
者以△識之

△長安有狹斜行

長安曲陌坂曲曲不容臆路逢雙綺襦問君居近遠我居臨御
溝可識不可求長子登麟閣次子侍龍樓少子無高位聊從金
馬遊三子俱來下左右若川流三子俱來入高軒映彩流三子
俱來宴玉柱擊清甌大婦襲雲裘中婦卷羅幃少婦多豔冶花
鈿繫石榭夫君且安坐歡娛方未周

△賦得有所思

佳期竟不歸春日坐芳菲拂匣看離鏡一作開箱見別衣并梧
生未合宮槐卷復稀不及銜泥燕從來相逐飛

△有所思樂府作昭明太子

三十家詩鈔卷五 梁 庾肩吾

佳人遠于隔乃在天一方望望江山阻悠悠道路長別前秋葉
落別後春花芳雷歎一聲響雨淚忽成行悵望情無極傾心還
自傷

△洛陽道

微道臨河曲曾城傍洛川金門纔出柳洞井半含泉日起罌
外車迴雙闕前潘生時未返遙心徒眷然

△長安道

桂宮連複道黃山開廣路遠聽平陵鐘遙識新豐樹合殿生光
彩離宮起煙霧日落歌吹還一作塵飛車馬度

△愛妾換馬

樂府解題曰愛妾換馬舊說淮南王所作疑淮南王即劉安也古辭今不傳

渥水出騰駒湘川實應圖來從西北道去逐東南隅琴聲悲玉
匣山路泣靡蕪似鹿將含笑千金會不俱

隴西行

借問隴西行何當驅馬征草合前迷路雲濃後暗城寄語幽閨
妾羅袖勿空縈

未央才人歌

從來守未央轉欲訝春芳朝風凌日色夜月奪燈光相逢儻游
豫暫爲卷衣裳

侍宴應令

副君時暇豫曾城聊近遊清池寫飛閣疏樹出龍樓北陸冰方
三十家詩鈔卷五

梁 庾肩吾

吳

壯西園春欲周梅心芳屢動蒲節促難抽徒然欣竝命無以廁
應劉

侍宴宣猷堂應令

副君德將聖陳王才揆天歸來宴平樂置酒對林泉鑪香雜山
氣殿影入池漣豔舞時移節新歌屢上絃聽曲慙迴顧思經徒
欲眠

侍宣猷堂宴湘東王應令

陳王驂駕反副后西園遊竝命登飛閣列坐對芳洲桂巖逢暮
序菊水值窮秋竹逕簫聲發桐門琴曲愁

一作幽

徒奉文成誦空

知思若抽

侍宴餞湘州刺史張續

洞庭資善政層城送遠離九歌揚妙曲八桂動芳枝雨足飛春殿雲峯入夏池郢路方遼遠湘山轉蔽虧何當好風日極望長沙垂

侍宴餞張孝總應令

外編作吳均者非

層臺臨迴漲耿耿晴煙上欲送分符人翻似河隄望寒雲暗積水秋雨蒙重嶂別念動神襟華文切離貺慙無寡和曲空陪郢中唱

三日侍蘭亭曲水宴

策星依夜動鑿駕總朝遊旌門臨苑樹相風出鳳樓春生露泥

二十家詩鈔

卷五

梁

庾肩吾

選

泥天覆雲油油桃花舒玉澗柳葉暗金溝襍川分曲洛帳殿掩芳洲踊躍蘋魚出參差絳棗浮百戲俱臨水千鍾共逐流

九日侍宴樂游苑應令

轍跡光周頌巡遊盛夏功鉤陳萬騎轉閭闔九關通秋暉逐行漏朔氣繞相風獻壽重陽節迴鑿上苑中疏山開輦道閒樹出離宮玉醴吹巖一作承苑菊銀牀落井桐御梨寒更紫仙桃秋轉紅飲羽山西射浮雲冀北驄塵飛金埒滿葉破柳條空騰援疑矯箭驚鴈避虛弓彫材濫杞梓花綬接鸚鵡愧乏天庭藻徒參文雅雄

從皇太子出玄圃應令

春光起麗譙屣步陟山椒閣影臨飛蓋鷺鳴入洞簫水還登故
渚樹長蔭前橋綠荷生綺葉丹藤上細苗顧循慙振藻何用擬
瓊瑤

奉和泛舟漢水往萬山應教

桂棹棠船飄揚橫大川映巖沈水底激浪起雲煙迴岸高花
發春塘細柳懸陪歌承睿賞接醴侍恩筵誰云李與郭獨得似
神仙

山池應令

簡文有
山池詩

閨苑秋光暮金塘牧疑作潦清荷低芝蓋出浪涌燕舟輕逆湍

流棹唱帶谷聚笳聲野竹交臨浦山桐迴出城水逐雲峯闇寒

三十家詩鈔

卷五

梁 庾肩吾

吳

隨殿影生

奉使北徐州參丞御

炎農稱卷領唐勛載允蒸猶將表世盛尙且號民從未如今聖
主比德邁前蹤格天垂禮樂寰海置提封枌榆諒昔社方門有
舊墉故鄉深帝念巡狩及時雍禁園周百里離宮卽九重浮橋
還瀉涓抗殿本疏龍過沛追鄉飲歸宛盛禮容千金登禹膳萬
壽獻堯鐘依然對白水眷言懷赤松迴天隨輦道駐日逐戈鋒
路遠大風積山長佳氣濃年光正婉婉春樹轉丰茸竹葉含初
籜莫枝發早藪瑞木翻無鳥祥花更少蜂咸英起雲鳳率舞聞
笙鏞海鷗時出沒江鱣乍噉喁雲邊開鞏樹霧裏識崑峯小人

濫趨走虛薄愧無庸皇恩不可報河清徒易逢

和衛尉新渝侯巡城口號簡文帝王筠同賦

維城寄右戚巡警屬勤王南瞻通灞岸北眺指橫江入漢飛延閣臨雲出建章步逐天津遠城隨秋夜長露槐落金氣風寮上

新涼關

遊甌山苑詩類選作沈約者非

平子去已久餘風今復追未必遊春草王孫自不歸路高村反出林長鳥更稀寒雲閒石起秋葉下山飛西河方閱訓詎得解朝衣

蔬圃堂梁武帝有天安寺蔬圃堂詩

三十家詩鈔

卷五

梁庾肩吾

晃

北宮一作堂

多暇豫時駕總鑾路靜繁葭撤輪移羽蓋飄臨空

坐飛觀回首望浮橋風長曙鐘近地迴洛城遙疏林不礙日涸浦暫通潮徒然等賓從竝作愧羣僚

尋周處士宏讓

試逐赤松遊披林對一邱梨紅大谷晚桂白小山秋石鏡菱花

發桐門琴曲愁一作適

泉飛疑度雨雲積似重樓王孫若不去山中定可畱

中定可畱

賦得嵇叔夜

山林重明滅風月臨囂塵著書惟隱士談玄止谷神鴈重翻傷性蠶寒更養身廣陵餘故曲山陽有舊隣俗儉甯防患才多反

累身寄言山吏部無以助庖人

和太子重雲殿受戒

皇明執東曜帝辰居北辰小乘開治道大覺拯蒼民殊塗同義路分流合智津傳香引上德列伎進名臣連閣翻如畫圖雲更似真鏡山銜殿影梅梁落梵塵苑桂恆畱雪花不待春萬年逢瑞應千生值法身天衣初拂石豆火欲然薪重善終無報作

詠同泰寺浮圖

和簡文下同

望園臨奈苑王城對鄴宮還從飛閣內遙見崛山中天衣疑拂石鳳翅欲凌空雲叢猶帶雨蓮井不生桐盤承雲表露鈴搖天

三十家詩鈔

卷五

梁庾肩吾

辛

上風月出琛含采天晴幡帶虹周星疑更落漢夢似今通我后情藝文作懷初照不與伊川同方應捧馬出永得離塵蒙

賽漢高廟

昔在唐山曲今承紫貝壇甯知臨楚岸非復望長安野曠秋先動林高葉早殘塵飛遠騎沒日徙一作過半峯寒徒然仰成誦終

用試才難

亂後經夏禹廟

金簡泥初發龍門鑿始通配天不失舊為魚微此功林堂上偃蹇山殿下穹隆侵雲似天關照水類河宮神來導赤豹仙女擁飛鴻松龕撤暮俎棗逕落寒叢仙舟還入鏡玉岫更乘空去國

嗟行邁離居泣轉蓬月起吾一作吳山北星臨天漢中申胥猶有

志苟息本懷忠待見櫬槍滅歸來松柏同

亂後行經吳郵亭

外編作庚信者非

郵亭一回望風塵千里昏青袍異春草白馬即吳門獯戎鯁伊

洛雜種亂輟輶輦道同關塞王城似太原休明鼎尚重秉禮國

猶存殷牖爰雖隕堯城吏轉尊泣血悲東走橫戈念北奔方憑

七廟畧誓雪五陵冤人事今如此天道共誰論郵亭吳大帝所建在晉陵

經陳思王墓

公子獨憂生邱壠擅餘名採樵枯樹盡犁田荒隧平甯追宴平

樂詎想謁承明旦余來錫命兼言事結成飄颻河朔遠颯颯

三十家詩鈔

卷五

梁 庾肩吾

至

風鳴鴈與雲俱陣沙將蓬共驚枯桑落古社寒鳥歸孤城隴水

哀葭曲漁陽慘鼓聲離家來遠客安得不傷情

過建章故臺

魯國觀遺殿韓城想舊臺仲宣原隰滿子建悲風來夏蓮猶反

植秋窗尙左一作不開圖雲仍漚一作洩雨畫水即生苔及君歡四

望知余念七哀

和劉明府觀湘東王書

陳王擅書府河間富典墳五車方累篋七閣自連雲松槩鏗廉反

芳帙氣柏燠許運反起廚文羽陵青簡出媯泉綠字分方因接遊

聖暫得奉朝聞峯樓霞早發林殿日先曛洛城復接限歸軒畏

後羣

和竹齋

百拱橫筇節千櫨跨篋竿迴龍仍作柱置笛且成籟向嶺分花
徑隨階轉藥欄蜂歸憐蜜熟燕入重巢乾欲仰天庭揆終知學
步艱

從駕喜雨

西嶽浮檜桂東皇事浴蘭赦詔還京兆歸神出灌壇溼風含酒
氣陰雲助麥寒典農欣受職治粟喜當官復此隨車雨民天知
可安

奉和春夜應令

三十家詩鈔

卷五

梁

庾肩吾

五

春牖對芳洲珠簾新上鉤燒香知夜漏刻燭驗更籌天禽一作雞

下北閣一作關織女入西樓月皎疑非夜林疏似更秋水光懸蕩

壁山翠下添流詎假西園讌無勞飛蓋遊

奉和武帝苦旱

陽山蛇不蟄泐澤鳥猶攢暫息流膏雨將似怨祁寒文衣夜不
臥蔬食晝忘餐潔誠同望祀惟馨等浴蘭江蘋享上帝荆壁奠
高巒繁雲興岳立蒸穴動龍蟠涓渠還積水泥池更起瀾

奉和太子納涼梧下應令

和簡文

北園涼氣早步輦暫逍遙避日交長扇迎風列短簫山帶彈琴
曲桐橫棲鳳條懸門開溜水錦石鎮浮橋黑米生菰葉一作青

花出稻苗無因學仙藻雲氣徒飄颻

芝草

踟躕玩芝草淹留攀桂叢桂叢方偃蹇芝葉正玲瓏如龍忽如馬成闕復成宮黃金九華發紫葢一作莖六英通隱士蒼山北仙神海穴東隨丹聊變水獨搖不須風

詠美人

絳樹及西施俱是好容儀非關能結束本自細腰肢鏡前難並照相將映綠池看妝畏水動斂袖避風吹轉手齊裾亂橫簪鬢垂曲中人未取誰堪白日移不分他相識唯聽使君知

送別於建興苑相逢

三十家詩鈔

卷五

梁

庾肩吾

五

相逢小苑北停車問苑中梅新雜柳故粉白映綸紅去影背斜日香衣臨上風雲流階漸黑冰開池半通去馬船難駐嗚烏曲未終眷然從此別車西馬復東

侍宴

一作侍宴景陽樓應令

沐道逢將聖飛觴屬上賢仁風開美景瑞氣動非煙秋樹翻黃葉寒池墮黑蓮承恩謝命淺念報在身前

侍宴餞湘東王應令

陳王從遊士高宴入承華竝載同連璧雕文類簡沙落猿時動樹墜雪暫搖花念此離筵促方愁別路賒

餞張孝總應令

外編作吳均者非

江上早寒生蕭條鏡管清別筵開帳殿離舟卷幔城前山黃葉
起對岸白沙驚臨渦同極望竊吹愧才輕

侍宴餞東陽太守范子雲

范當作蕭

東部資良守北宮敦獻酬新枝漸接樹故凍欲含流早花少餘
雪春寒極晚秋徒嗟白岸遠空想赤松遊

和晉安王薄晚逐涼北樓回望應教

向夕紛誼屏追涼飛觀中樹影臨城日窗含度水風遙天如接
岸遠帆似凌空陪文慙宋玉徒等侍蘭宮

贈周處士

九丹開石室三徑沒荒林仙人翻可見隱士更難尋籬下黃花

三十家詩鈔

卷五

梁宋 庚肩吾

雷

菊邱中白雪琴方欣松葉酒自和遊山吟

李蕭遠有遊山九吟

新林送劉之遴

旆轉黃山路舟纒白馬津送輪時合幘分驂各背塵常山喜臨
岱隴頭悲望秦欲持漢中策還以贈征人

奉使江州舟中七夕

九江逢七夕初弦值早秋天河來映水織女欲乘舟漢使俱爲
客星槎共逐流莫言相送浦不及穿針樓

南苑看人還

春花競玉顏俱折復俱攀細腰宜窄衣長釵巧挾鬢洛橋初度
燭青門欲上關中人應有望上客莫前還

詠美人看畫應令

和簡文

欲知畫能巧喚取眞來映竝出似分身相看如照鏡安釵等疏密著領俱周正不解平城圍誰與丹青競

奉和藥名詩

簡文元帝皆有藥名詩

英王牧荆楚聽訟出池臺督郵稱蝗去亭長說烏來行塘朱鷺響當道赤帷開馬鞭聊寫賦竹葉暫傾杯

看放市

旗亭出御道遊目暫迴車旣非隨舞鶴聊思索枯魚懸龜識季主膀酒見相如日中人已合黃昏猶未疏

和望月

三十家詩鈔

卷五

梁

庚扇五

五

桂殿月偏來流光引上才圓隨漢東蚌暈逐淮南灰渡河光不溼移輪轍詎開此夜臨清景還承終宴杯

和徐主簿望月

樓上徘徊月窗中愁思人照雪光偏冷臨花色轉春星流時入暈桂長欲侵輪願以重光曲承君歌扇塵

詠風

宋地鴟飛初湘川燕起餘掃壇聊動竹吹薤欲成書蒼梧洞猶在一作蒼崦桐猶在合浦樹應疏陽烏一轉翹千里定非虛

詠花雪

瑞雪墜堯年因風入綺錢飛花灑庭樹凝瑛結井泉寒光晦八

極同雲暗九天已飄黃竹路共慶白渠田

七夕

玉匣卷懸衣針樓開夜扉姮娥隨月落織女逐星移離前忿促
夜別後對空機倩語雕陵鵲填河未可飛

歲盡應令

歲序已云殫春心不自安聊開柏葉酒試奠五辛盤金薄圖神
燕朱泥卻一作印鬼丸梅花應可折倩爲雪中看

賦得山

層雲霾峻嶺絕澗倒危峯刻削臨千仞嵯峨起百重行曦上杳
杳結霧下溶溶仁心畱此屬休奉愧羣龍

三十家詩鈔

卷五

梁

廣肩吾

美

同蕭左丞詠摘梅花

窗梅朝始發庭雪晚初消折花牽短樹攀叢入細條垂冰潤玉
手含刺罵春腰遠道終難寄馨香故自饒

和晉安王詠燕

簡文有雙燕詩樂府題云雙燕離

可憐幕上燕差池弄羽衣夜夜同巢宿朝朝相對飛銜泥瞻樂
善相賀奉英徽秋蟬行寂寞戀此未辭歸

詠胡牀應教

傳名乃外域入用信中京足欽形已正文斜體自平臨堂對遠
客命旅誓初征何如淄館下淹畱奉盛明

暮遊山水應令賦得磧字

餘春屬清夜西園恣遊歷入逕轉金輿開橋通畫鷁細藤初上
援新流漸涵積雲峯沒城柳電影開巖壁疑闕

奉和湘東王應令二首

春宵

征人別來久年芳復臨牖燭下夜縫衣春寒偏著手願及歸飛
鴈因書寄高柳

冬曉

隣雞聲已傳愁人竟不眠月光侵曙後霜明落曉前縈環起照
鏡誰忍插花鈿

詠檐燕

三十家詩鈔

卷五

梁

陳肩吾

七

雙燕集蘭閨雙飛高復低向戶疑新箔登巢識故泥依欄本相
賀近幕願同棲

奉和便省餘秋

以下三首
文疑闕

前對金精坂傍臨圓水池照影礙浮葉看山通迴枝鴈行連霧
盡雨足帶雲移

使使從渡江

八陣引佳兵三河總艦舳絳天揚遠旆雷野驅長轂夜劔動星
芒秋潮驚箭服

登城北望

誓師屠六郡登城望九嶷山沈黃霧裏地盡黑雲中霜戈曜隴

日哀筵斷塞風

道館

仙人白鹿上隱士潛溪邊試取西山藥來觀東海田

賦得轉歌扇

團紗映似月蟬翼望如空迴持掩曲態轉作送風

詠舞

飛鳧袖始拂唳烏曲未終聊因斷續唱試託往還風

詠舞曲應令

歌聲臨畫閣舞袖出芳林石城定若遠前谿應幾深

詠主人少姬應教

故年齊總角今春半上頭那知夫婿好能降使君畱

三十家詩鈔

卷五

初宋

廣肩吾

奕

詠長信宮中草

委翠似知節含芳如有情全由履迹少併欲上階生

石崇金谷妓

蘭堂上客至綺席清絃撫自作明君辭還教綠珠舞

遠看放火

風前細塵起月裏黑煙生發燄看喬木侵光識曉城

舟中寒望

日暮敞鳧舟曾冰合駛流雪照齊君履寒入楚王裘

石橋

簡文有作

秦王金作柱漢帝玉爲欄仙人飛往易道士出歸難

詠桂

新叢入望苑舊榦別層城倩視今移處何如月裏生

賦得池萍

風翻乍青紫浪起時疏密本欲歎無根還驚能有貴

新苔

隨潮染岸石逐沫聚浮查徒令阿谷麗停筐不汰沙

被執作詩一首

見太平御覽。三國典畧曰宋子仙破會稽購得肩吾謂之曰昔聞汝能詩今可作筆立成子仙乃釋之

髮與年俱暮愁將罪共深聊持轉風燭暫映廣陵琴

三十家詩鈔

卷五

梁

庚肩吾

亮

曲水聯句

春色明上已桃花落繞溝波迴后不進綸下鉤時畱臣導絳水時

迴岸花觴轉更周陳肴渡玉俎垂餌下銀鉤王臺迴川入帳殿

列俎閒芳洲漢艾凌波出江楓拂岸遊庚肩吾王生迴水碓蔡姬

蕩輕舟岸燭斜臨水波光上映樓殿下

八關齋夜賦四城門更作四首

殿下卽簡文時爲皇太子中庶府君謂肩吾爲皇太子

子中庶子

第一賦韻東城門病

伏枕愛危光痾纏生易折無因雪岸草慮反砭山穴徐消渴腠

腸腑疼蹇嬰肢節如何促齡內憂苦無暫缺孔

熹

南城門老

虛蕉誠易犯危藤復將囓一隨柯已微當年信長訣諸葛已同
白駒去復類紅花熟妍容一旦罷孤燈行自設君

西城門死

綏心雖殊用滅景甯優劣一隨業風盡終歸虛妄設王臺五陰
誠為假六趣甯有截零落竟同歸憂思空相結李鏡遠

北城門沙門

俗幻生影空憂繞心塵暄於茲排四纏去矣求三涅殿下學輩
畱心方從窈冥別已悲境相空復作泡雲滅中庶府君

第二賦韻東城門病

三十家詩鈔

卷五

梁 庾肩吾

李

空痾誠易愈有病故難痊徒知餌五色終當悲九泉王臺已無
雲山草沈疴竟誰憐復悲淪苦海何由果淨天諸葛禮

南城門老

昔類紅蓮草自玩綠池邊今如白華樹還悲明鏡前殿下壯心欲
何在餘日乃西遷清樽不復樂蓬鬢豈還妍徐防

西城門死

高堂信逆旅懷業理常牽玉匣方委襯金臺不復延中庶挽聲
隨逕遠蘿影帶松懸詎能畱十念唯應逐四緣君

北城門沙門

經行林樹下求道志能堅既有神通力振錫遠乘煙李鏡一登

四宏誓至道莫能先不貪曠劫壽無論延促年孔

第三東城門病

纏痾緬百年自傷無五福長縈畫篋蛇不值仙人鹿殿下習染迷
畫瓶臥起求棲宿羅襦豈再歡臨歧方土木中庶府君

南城門老

少年愛紈綺衰暮慚羅縠徒傷歲冉冉陳詩非郁郁王臺卿鶴髮
辭軒冕鮒背烹葵菽松柏稍相依歡愛時睦睦李鏡遠

西城門死

追念平生時遨遊上苑園一沒松柏下春光徒儻昱孔結根素
因假枝葉緣骨肉自應螻蟻驅值此風力逐諸葛

三一安詩鈔 卷五 梁 庾肩吾

北城門沙門

俗繭厭纏絲因田抽善穀長披忍辱鎧去此織羅服徐願引三
塗眾俱令十使伏珠月猶沈首金錡未挑目君

第四東城門病

紫紈未可得漳濱徒再離一逢犬馬病賣育罷驅馳李鏡遠已無
九轉術復闕黃金奇不看投疆掌唯夢蓮花池君

南城門老

盛年歌吹日顧步惜容儀一朝衰朽至星星白髮垂孔已傷萬
事盡復念九門枝垂軒意何在獨坐鏡如斯中庶府君

西城門死

一息於今罷平生詎可規
天長曉露促千齡誰復知
下華堂一相捨松帳杳難窺
萬祀藏珠應千年罷玉羈

徐防

北城門沙門

深心不可染正道亦難欲
方除五欲累長辭三雅卮

王臺卿

依空

慮難靜習善路猶弛
沒身竟靡託單孟詎待貲

諸葛禮

本集有三日侍宴詠曲水中燭影七言四句未鈔

三十家詩鈔

卷五

梁 庾肩吾

空



18537

12237

三十家詩鈔卷五

善化黃維申校

